

sanguinis, in quo reconditum est totius vitæ & sanitatis fundamentum, causas; sed elanguet ferè cogitanti de his animus cum calamo, tricis utpote haud levibus involutis; Spero tamen, excusatum me daturam rei sublimitatem, si liberius forsitan aut minus apposite exposuero, quicquid habeo conjecturarum. Quid? quod materiam disceptandi suggestisse sat est.

§. V.

Fermentationem voco particularum minimarum in fluidis corporibus ex favore influi & insiti spiritus oriundum. intestinum & collisivum motum, in finem transmutationum, pro impetu influi & idea insiti spiritus differentium. Hæcque per universi hujus systema latissimè se diffundit, totius naturæ explens negotium. Est enim universalis elastici spiritus in Θ Δ eo, ab universali enato fermentatione, concreti perpetuum in his inferioribus cum mixtorum insitis spiritibus commercium ac mutuus commeatus, quo excitati hi seminalium potentiarum reconditos recludunt thesauros & motum Θ nis ac reliquis corporeis atomis, quibus congeniti sunt, largiuntur in corporum vicissitudines. Ab isto hermetico Θ e vernalis vigor est, quo dives tum temporis existit Δ præ aliis anni ætatibus: id quod præter vegetabilium germinationes, regenerata ex Δ e vernali Θ ia in cadaveribus v. g. Θ i, Θ li, Θ nis &c. nondum omni magnetæ exhaustis, evidentissimè demonstrant, alia ut taceam. Hoc igitur naturæ Θ , uti ceteris inservit fermentationibus, sine cujus enim perpetuâ accessione atque affluxu mox motus omnis fermentativus in rebus cunctis exspirat; ita sanguinis etiam fermentationis ac volatilisationis primarius autor est. Quo enim admissio per spumofum pulmonum viscus in oleosi sanguinis (cui spiritus luminosus vitalis insitus est) penetralia, expansionis suæ mensurâ hic denuò avidissimè apprehendit & elasticus s. influus fit, eademque operâ reliquas in motum ciet sanguinis massam componentes particulas, ex quo intestino & contrario particularum contritu nõ tota tantum sanguinis massa rarefiat & Δ s scintillet seu in Gas flammeum evehatur sanguis, cum spiritibus nervorum & partium, insitis lumè vitale constituens, sed & heterogeneorum quorumvis sanguini, lymphæ, chyloque commistorum præcipitationes & exclusiones fiant, necesse est.

§. VI.